

centro público de Panxón do concello de Nigrán (Pontevedra) en centros públicos integrados.

Na súa virtude, por proposta da conselleira de Educación e Ordenación Universitaria, e logo da deliberación do Consello da Xunta de Galicia, na súa reunión do día catorce de setembro de dous mil seis,

DISPÓÑO:

Artigo 1º

Transfórmase o centro público O Mosteirón do concello de Sada (código 15014854) en centro público integrado con capacidade para 10 unidades de primaria e 8 unidades de ESO.

Artigo 2º

Transfórmase o centro público de Panxón do concello de Nigrán (código 36005865) en centro público integrado con capacidade para 6 unidades de primaria e 5 unidades de ESO.

Disposicións derradeiras

Primeira.-A Consellería de Educación e Ordenación Universitaria queda autorizada para adoptar as medidas necesarias para o cumprimento do disposto neste decreto.

Segunda.-Este decreto entrará en vigor a partir do día seguinte ao da súa publicación.

Santiago de Compostela, catorce de setembro de dous mil seis.

Emilio Pérez Touriño
Presidente

Laura Sánchez Piñón
Conselleira de Educación e Ordenación Universitaria

Corrección de erros.-Orde do 18 de setembro de 2006 pola que se regula o proceso de adscrición dos funcionarios dos corpos de profesores de ensino secundario e mestres afectados pola transformación de institutos de educación secundaria en centros integrados de formación profesional.

Advertida a omisión do anexo VII mencionado no punto noveno da devandita orde, publicada no DOG nº 181, do martes 19 de setembro de 2006, procédese á súa publicación:

ANEXO VII

DATOS PERSOAIS

PRIMEIRO APELIDO		SEGUNDO APELIDO		NOME
NIF	TELÉFONO (con prefixo)	ENDEREZO, RÚA OU PRAZA E NÚMERO		
LOCALIDADE (con indicativo postal)				PROVINCIA
CENTRO DE DESTINO		LOCALIDADE		PROVINCIA

De acordo co punto noveno da Orde do 18 de setembro de 2006, pola que se regula o proceso de adscrición dos funcionarios dos corpos de profesores de ensino secundario e mestres afectados pola transformación de institutos de educación secundaria en centros integrados de formación profesional,

OPTA POR:

(Risque o que desexe)

☐	Permanecer no centro integrado de formación profesional
☐	Integrarse con destino definitivo no centro receptor das ensinanzas
☐	Pasar á situación de suprimido
☐	Pasar á situación de desprazado por falta de horario

En....., de de 2006.

Asdo.:

SR. DELEGADO PROVINCIAL DA CONSELLERÍA DE EDUCACIÓN E ORDENACIÓN
UNIVERSITARIA

CONSELLERÍA DO MEDIO RURAL

Orde do 22 de setembro de 2006 pola que se establecen as medidas necesarias para a aplicación, na Comunidade Autónoma de Galicia, do programa de abandono voluntario e definitivo da produción leiteira para o período 2006/2007.

Os programas de abandono indemnizado da produción leiteira están concibidos para servir de elemento de reordenación do sector leiteiro, destinado a estimular a modernización do sector, ao tempo que favorecen a incorporación dos produtores novos ás explotacións leiteiras.

Nesta perspectiva, no Real decreto 347/2003 establécense, entre outras medidas, no seu capítulo II, sección 1ª, programas estatais de abandono, facultando na súa disposición derradeira terceira o ministro de Agricultura, Pesca e Alimentación para adoptar cantas disposicións sexan necesarias para a súa aplicación e desenvolvemento.

Con base neste real decreto o MAPA publicou a Orde 2914/2006, do 21 de setembro, pola que se convocan e se completan as bases reguladoras contidas no capítulo II do devandito real decreto.

As cantidades totais de cota liberadas mediante este programa de abandono serán asignadas aos gandeiros a través dos instrumentos de asignación de cotas previstos no Real decreto 347/2003, do 21 de marzo, ou que poidan integrarse nel, como o denominado Banco nacional coordinado de cotas lácteas, que consistirá nun sistema público de adquisicións de cota en coordinación coas comunidades autónomas.

A tramitación, así como a resolución relativa ao cumprimento dos requisitos necesarios para a percepción da indemnización, corresponderalles aos órganos competentes da Administración autonómica respectiva, en función da comunidade autónoma onde estean situadas as explotacións, polo que, a través da presente orde, cómpre determinar os órganos competentes e o procedemento de tramitación con base no establecido na normativa interna de distribución de competencias. O pagamento da indemnización será realizado polo Ministerio de Agricultura, Pesca e Alimentación, logo da sinatura do oportuno convenio de colaboración no cal se instrumente a correspondente encomenda de xestión a que fai referencia o artigo 8.4º da antedita convocatoria do MAPA.

A convocatoria do ministerio establece que, ao financiarse na súa maior parte coas cantidades que paguen aos produtores aos cales se lles asignen as cotas abandonadas, esta convocatoria non establece unha cota individual máxima para poder participar no programa estatal de abandono nin limita a cantidade total que se poida indemnizar.

Ao abeiro do disposto no Decreto 562/2005, do 1 de decembro, polo que se establece a estrutura orgánica da Consellaría do Medio Rural, correspón-

delle á Dirección Xeral de Estructuras e Infraestruturas Agrarias da Consellería do Medio Rural, a xestión das cantidades de referencia de leite das explotacións situadas en Galicia.

Polo tanto, de acordo co disposto no artigo 30.I.3 do Estatuto de autonomía de Galicia e no uso das facultades que me confire a Lei 1/1983, do 22 de xaneiro, reguladora da Xunta e do seu presidente, así como o Decreto 562/2005, do 1 de decembro, polo que se establece a estrutura orgánica da Consellaría do Medio Rural,

DISPOÑO:**Artigo 1º-Obxecto e ámbito.**

1. Por esta orde establécese o procedemento para a solicitude, tramitación e resolución das solicitudes presentadas ao abeiro do programa de abandono definitivo da produción láctea, na Comunidade Autónoma de Galicia, para o período 2006/2007, segundo o disposto no Real decreto 347/2003, do 21 de marzo, e convocada pola Orde APA/ 2914/2006, do 21 de setembro de 2006.

2. O abandono afectará a totalidade da produción leiteira e o produtor deberá comprometerse na solicitude a facelo efectivo antes do día 12 de decembro de 2006. A indemnización a cada produtor concederase pola cota láctea individual, tanto de entrega a compradores como de venda directa, excluída a recibida da reserva nacional, que teña asignada o 1 de abril de 2006.

Artigo 2º.-Requisitos dos solicitantes.

1. De acordo co establecido no artigo 8 do citado real decreto, poderán acollerse a esta indemnización os produtores que desexen abandonar a produción de leite, pola totalidade da cantidade de referencia que tivesen asignada o 1 de abril de 2006.

A indemnización concederase pola cota láctea individual, tanto de entregas a compradores como de venda directa, excluída a recibida gratuitamente da reserva nacional.

2. Os solicitantes non deben ter tramitado durante o mesmo período cesións temporais, transferencias nin transvasamentos de cota.

3. Os gandeiros solicitantes deben estar libres de compromisos derivados de calquera axuda que perciban ou teñan percibido destinada á explotación leiteira, de entre as recollidas no Real decreto 204/1996, do 9 de febreiro, sobre melloras estruturais e modernización das explotacións agrarias, ou no Real decreto 613/2001, do 8 de xuño, para a mellora e modernización das estruturas de produción das explotacións agrarias.

4. Os gandeiros que recibisen cotas procedentes da reserva nacional, poderán solicitar o abandono da súa produción, aínda que as ditas cantidades de referencia non serán indemnizadas e reincorporaranse á devandita reserva.